

CARTA CUAYIIVI YEⁿE SAN JUAN

**Yeⁿe nduudu cuaacu ní
yeⁿē vaadi neⁿe**

¹Ú Juan chi saⁿā chi ngaⁿa ntiiⁿnyuⁿ yeⁿe yaācū idinguúⁿ yeⁿē n'daataá chí Ndyuūs ndēve yā ndúúcū daiya yā chi cuaacu níⁿnyúⁿ neⁿé. Ní nguée 'úú dámaáⁿ neⁿé ti 'tiicá ntúūⁿ nducyáácá yā chi n'diichí yā nduudu cuaacu. ²Ní cáavā chi véé vaadi cuaacu yeⁿe yú ní caavā nduudu cuaacu chi canée ndúúcu yú, 'áamá cūnee tandíí ndúúcu yú. ³Neⁿé chi canée ndúúcū ndís'tii vaadi n'dai yeⁿe Ndyuūs ndúúcū vaadi ya'ai 'iinu yeⁿe yā ndúúcū 'diiⁿ yeⁿe Dendyuūs chiida yú ndúúcū Señor Jesucristo chí daiya Dendyuūs chi chiida yú. Tanducuéⁿē chuū canée ndúúcu nī ndúúcū nduudu cuaacu ndúúcū vaadi neⁿē.

⁴Āā 'áamá yeenú caati chí nindaācá daiya di chí díⁿ yā chiⁿ chi cuaacu tan'dúúcā s'uuúⁿ chi sta'a yú ley yeⁿē chiida yú. ⁵Maaⁿ ní idi'cuítú n'dii n'daataā chí dinéⁿe yú 'áamá yú táamá yú. Chuū nguée tan'dúúcā chi idinguúⁿ 'áamá ley ngaī caati ley yeⁿē yú chíⁿ chí canee ndíí cuaaⁿ vmnaaⁿ. ⁶Nífcú chuū chí vaadi neⁿe ní chiiⁿ chi

cachiica yú tan'dúúcā chi caaⁿmaⁿ ley yeⁿe yā. Ley yeⁿe yā ní chuū chí cachiicá nī ndúúcū vaadi neⁿe tan'dúúcā chi n'giindiveéⁿ nī ndíí cuaaⁿ vmnaaⁿ.

'Iiⁿyāⁿ chi nginnche'í yā 'iiⁿyāⁿ

⁷N'dee n'dái 'iiⁿyāⁿ 'āā nginnche'í yā 'iiⁿyāⁿ na iⁿ'yeeⁿdí 'cūū. Nguée natumiiⁿnúⁿ yā chi Jesucristo ní ndaá yā tan'dúúcā s'uuúⁿ. 'Iiⁿyāⁿ chi 'tífcā nginnche'í yā, 'tiicá ntúūⁿ anticristo yā. ⁸Cundée nī cuidado yeⁿē maáⁿ nī ní nguée dindai yú tanducuéⁿē ntiiⁿnyuⁿ chi diiⁿ yú ti s'uuúⁿ ní cuuvi cuta'a yú tanducuéⁿē chi yeⁿe yú.

⁹Du'ū chí díⁿ nuuⁿndi ní nguée 'áamá canée yā ndúúcū nduudu cuaacu yeⁿe Cristo, nguée yeⁿe Dendyuūs 'iiⁿyāⁿ. Du'ū chí 'aama canée ndúúcū nduudu cuaacu yeⁿē Cristo, tuu'mí 'iiⁿyāⁿ miiⁿ ní yeⁿe chiida yú Dendyuūs ndúúcū daiya yā. ¹⁰Du'ū chí ndaa vaacú nī chí nguée ngaⁿa nduudu cuaacú 'cūū nguée 'cuaaⁿ nī chí cunée yā na vaacú nī. Ní nguée caaⁿmaⁿ nī, n'daaca chí ndaá yā va'āi yeⁿe nī. ¹¹Du'ú 'iiⁿyāⁿ chí ngaⁿá yā 'iiⁿyāⁿ miiⁿ chí n'daaca chí ndaá yā va'āi

ye^{n'}é yā tuu'mi ní induuvidáámá yā
ndúúcū 'ii^{n'}yāⁿ chí idiiⁿ chi nguée
n'daacā.

Ch'iinu carta maaⁿ

¹²Áámá véé cá ye^{n'}é chi ne^{n'}é
dinguúⁿ ye^{n'}e ndís'tiī ní nguée ne^{n'}é
dinguúⁿ na caaca 'cūū ndúúcū

tinta, caati ne^{n'}é chi n'diichí ndís'tiī
ní caa^{n'}máⁿ ndúúcu nī ní ndís'tiī
nduucú. Níícú vaadī yeenú ye^{n'}e yú
ní cúúví cuaacu.

¹³Vée daiya tá ye^{n'}e n'daataá chi
Ndyuūs indēevé yā tá^{n'}ā. Daiya tá
idicho'ó yā: N'dai n'diī, nga^{n'}a yā.
'Tíicā cuuvi.